

باب الدار يروي إحصار  
خل نسمع هاي الأخبار

XXXXXXXXXXXX

باب الدار إبلو عه وحسره  
يروى إحصار وقلبه جمره  
محزون اعله الحره الزهره  
واتسيل إمن إعيونه العبره

بالأحزان والأشجان  
ييجي وينحب ليل نهار

XXXXXXXXXXXX

من وصلوا دار المحزونه  
جن قلبي بهمه وإضنونه  
ينده يا باب المشجونه  
حيدر للبيعه يريدونه

ليش إنقاد بالأقياد  
ليث الحومة وحامي الجار

XXXXXXXXXXXX

ما هممتي النار التسعر  
خل تلهب يمي وتتوَجِر  
بس فاطم تسلم وي حيدر  
ولا ضلع إبصيري يتكسر

ولا ينصاب      داحي الباب  
ولو شبوا بكل جسمي النار

XXXXXXXXXXXX

دفعوني ومن خلفي الزهره  
وبين إعيوني إنعصرت عصره  
ومسماري بكل هم وحسره  
إنعاب بصدر التهمل عبره

لطموا العين      والخدين  
مارحموا بنت المختار